

欽定戶部漕運全書

欽定戶部漕運全書卷三十二目錄

官丁廩糧

行月例款

行月例款

一山東省蠲漕之年自備雇募各船支給四分
之一月糧卽在各屬所徵銀米內動給其潤耗
米石每石折銀八錢徵存解部

乾隆三十一年

一大河二三兩幫額完屯糧以該二幫每年原
支蘇松糧道項下月糧米內劃出抵兌均聽江
安糧道於實徵及奏銷各冊內造報倘屯田被
災奉文按分蠲免將除蠲應完之數抵兌其餘
應行找給月糧卽於劃抵米內照數動支又准

安頭二兩幫及分歸船隻額完屯糧應一例抵
兌該二幫均係四年之中輪兌淮海等屬漕糧
一次應在江安糧道衙門抵兌報銷輪兌蘇常
等屬漕糧三次係在蘇松糧道衙門支領月糧
應挖抵江安糧道造報以上淮大各幫每年抵
兌米數於從前撥出抵換松江府屬各幫行月
之溧陽縣月糧米內劃完聽江安糧道撥派別
幫支領易出淮大二衛編款抵兌應支月糧其
淮安頭二兩幫倘有減存應支苫蓋月糧以及

設遇屯田被災蠲缺悉照大河二三兩幫事宜

一例辦理

乾隆三十一年

一乾隆三十二年輪居江蘇省應免蘇太鎮等衛之年漕船概行停運旗丁等閏月銀米例應扣除欽奉

恩旨蘇太鎮等衛幫船旗丁閏月錢糧照月糧例減半給予以示體卹欽此

一湖南省借給湊支出運幫船行月糧價銀兩原應另行籌補歸款嗣值該省漕糧輪免無需

給發行月卽於隨漕銀兩歸補造報撥用

乾隆三十

三年

一湖南省輪值蠲免減歇買補雇募等船若仍令買雇在次停泊徒費苦益錢糧緩俟下年買雇足運其應支四分之一月糧米石停其支給

乾隆三十

三年

一湖南省蠲漕之年成造席造船隻應支減半月糧等項銀米按照登水之日起分晰覈明照

數支給

乾隆三十四年

一江西省行月二糧俱係折色每石概准以七

錢折價於每年存剩漕屯及南糧米折銀內動

支

乾隆三
十六年

一淮安頭二等幫應支月糧抵兌應納屯糧如

遇災緩之年月糧於當年支給屯糧下年帶徵

候撥

乾隆三
十九年

一山東省額徵行糧奉文緩徵出運官丁不敷

支給在德州等州縣存貯薊米內借動支領仍

俟下二年徵歸還項

乾隆四
十年

一湖北武昌等六衛所應還借款抵新等銀各
船所領新漕運費除還借項不敷長途之用在
襄陽衛所徵掣畱歸併徵費銀兩按一百八十
船每船派給銀三十三兩以濟本年長運免其
歸還嗣後所徵掣畱等費添積成數仍畱爲襄
陽衛給丁幫造之用

乾隆四
十年

一江安各衛幫丁應支行月糧米係於上下江
各州縣額徵南撫二項米內支給蘇松各幫應
支行月糧米係於蘇松等五府州屬額徵漕項

軍儲及各倉行月米內支給乾隆四十年江安
蘇松各屬行月米石因災緩徵無款可撥在於
各屬熟田漕糧內撥抵支給俟來歲起徵歸還
漕糧起運

一鳳陽長淮等衛各幫應支四十一年本色月
糧因係遇閏年分江興幫船分給閏月米實無
存剩可撥以每石一兩折給俟下年米有餘存
仍派支本色

乾隆四
十一年

一淮安頭二附載等幫旗丁以應支月糧抵兌

在衛應納屯糧每船抵兌數目多寡不同應將
抵兌屯糧均勻攤派每名概請抵兌九石一升
二合九勺零其餘找徵屯糧按戶輸納乾隆四
十一年
一山東省各幫出運官丁應支行月並減軍月
糧米石前因德州等州縣應徵行糧奉文緩徵
不敷支給借動存貯薊糧米石支放分作二年
帶徵歸款乾隆四十年一半帶徵行糧米石業
已撥還四十一年應帶徵一半米石欽奉

恩旨蠲免原借薊米無項歸還將撥支出運減軍月糧

動用開銷

乾隆四
十一年

一乾隆四十三年通州天津二所幫船因截留
停運應支減半月糧銀兩於通濟庫奏銷冊內
造報四十三年輪免停運亦同此例

一河南前後兩幫派減丁船裝載截留漕米運
赴河南交卸該幫船係修艖在先奉減在後三

修銀兩補行支給

乾隆四
十四年

一泗州前後兩幫本色行月二糧名本實折米
石題明改支本色原編漕倉折價銀兩歸入減

存造報酌撥

乾隆四十四年

一江蘇省乾隆四十五年輪免漕糧內應免徐州一府漕糧其應徵贈月米麥驗派通邑田畝每畝僅祇合勺爲數零星暫行停緩如需給丁本色米石借動常平倉糧支放若應折解道庫則於道庫動款先行墊給俟明冬起徵補還歸款

一山東河南二省薊糧撥運直隸密雲縣兵米每船支給行月折色銀兩并本色米石東省在

於積存漕耗並薊糧項下動支豫省一半本色
米石每石八錢折給同一半折色銀兩於臨倉
項下動支來年徵存薊米如有餘剩卽於此內
支給一半本色

乾隆四十六年

一豫省動撥薊糧運密雲縣兵米所需船隻於
東省停運船內撥出二十隻領運潤耗一項照
東省之例於行月外支給潤耗以資濟運

乾隆四十六年

一徐州衛河南前後兩幫成造漕船俱在臨清

地方設廠修造所需船料必須往南購辦與東省成造漕船事同一律每屆十年排造於額給料價外每船支給減半月糧銀三十四兩八錢在道庫徐倉減存銀內支給

乾隆四十八年

一廬州三幫漕船兌運蘇屬漕糧旗丁應支月糧復往上江合肥英山二縣零星兌支道路遙遠應在蘇屬徵存餘剩米內支給月糧米石

乾隆九年

一荊州衛屯坐監利縣挖壓廢田四頃三十二

畝零應豁除運費銀十一兩一錢零按該衛三十三船均勻攤減嗣後每船歲給運費銀一百五十九兩六錢零十年大造照舊派徵造費銀四百八十兩自四十八年爲始按數免徵扣發

乾隆四十九年

一丹徒縣乾隆四十八年分漕糧被災緩徵並加截京口閏月兵米減歇鎮江後幫船五隻支給減半月糧并加賞二分月糧銀米

乾隆四十九年

一浙西杭嚴頭等九幫額給半折月糧銀兩每

石扣減三錢實給銀七錢扣減之銀每年解部
從前丁力尙可支持是以未經請給近年遇淺

守凍幫丁疲困題請照舊每石一兩復給以濟

運務

乾隆五十年

一江蘇所屬地方被旱歉收額徵漕南兵米分
別蠲緩各衛幫應支行月糧米及各營兵糈江
安糧道衙門下江各衛不敷行月米二萬六千
五百餘石蘇松糧道衙門不敷行月等米四千
一百餘石京口蒙古旗營不敷兵餉米二萬五

千一百五十六石零均於就近各縣應徵熟田
漕米內撥抵俟下年徵完緩帶之米歸漕搭運
乾隆五
十一年

一山東省外河九幫內德州正濟寧左兩幫月
糧向在德州倉支領其餘七幫月糧向在各州
縣編徵月糧內支領恐德州正濟寧左幫丁曰
久弊生預爲指售以致臨時辦公掣肘茲將該
二幫所支德倉月糧六千五百二十八石按九
幫均勻派支德州正濟寧前後臨東後東昌濮

州東平等七幫共船一百八十六隻每船派支
米二十石濟寧左右二幫共船一百四十四隻
每船派支米十九石五斗其各州縣編徵行月
米內令德州正等七幫每船我支米二十八石
濟寧左右兩幫每船我支米二十八石五斗以
足應支月糧之數

乾隆五
十一年

一江西每年應給各幫丁造船料價及行月等
項銀兩因各州縣催徵未能於歲內掃數完解
難資濟運奏明於江西道庫解貯餘存銀兩撥

銀八萬兩永存道庫以備支放船料行月等項
之用仍俟漕屯餘租等項徵解至日歸款

乾隆五十年

一
年

一安徽省廬州等衛幫額支行月糧一萬一千
四百七十五石零例係廬州太平六安等府州
支領乾隆五十一年因各州縣被災漕贈米石
蠲緩除熟田應徵米五千二百四十七石零及
合肥廬江二縣節年存剩月糧一千五百九十
六石零派抵外尚不敷米四千六百三十一石

零無款湊撥咨明在於廬太二府屬常平倉徵存上年緩帶贈貼米內撥給俟下年廬屬起徵

災緩月糧歸還常平備貯

乾隆五十二年

一各省運丁例支月糧米石江西湖廣兩省向係全支折色江蘇等省各幫均係半本半折惟江南之江淮興武二衛十八幫及浙江之浙東寧波等衛十二幫原支一半名本實折月糧因近年米貴不敷買食奏明改給本色於該省地丁南米等項餘剩款內仍按本色支給卽將各

幫應支折色原價解交藩庫歸款

乾隆五十二年

一長淮三四兩幫各本實折行月糧米收支本色二千石將合肥縣餘剩月糧米一千一十六石五斗儘數撥給再將懷遠定遠二縣餘剩月糧米麥內撥給九百八十三石五斗自乾隆五十二年新漕爲始改支報銷以資通務

一山東省補運截留羅借等米十九萬餘石所需運通行月銀米因隨漕本款不敷支用在德

倉并薊糧項下動給

乾隆五十二年

一河南臨清前等幫起運船隻加裝搭運帶徵
米麥豆石應需給丁潤耗行月本色米八千九
百五十八石五斗零除將帶徵潤耗行月及德
州倉共米七千五百二十四石五斗零全數支
給外尙不敷米一千四百三十三石九斗零在
湯陰等縣截存蘆糧米內照數動支

乾隆五
十三年

一浙江省五十二年凍阻各幫應運本年新漕
撥畱閩省平糶其停運減存行月米一萬二千
餘石內以四千石給拮据特甚之杭嚴頭二四

海寧所等四幫支領其餘米八千餘石分派本年出運之寧波等五幫均勻撥給其應扣米價

統於新運錢糧內扣還

乾隆五
十三年

一江淮興武二衛各幫名本實折月糧改支本色米二萬九千六百七十五石內京口旗營裁兵項下撥給米二萬八千六百四十石尙不敷米一千三十五石八斗零除將武職名糧改給養廉案內餘剩米四百六十四石四斗全數撥給外再於鎮江高資二營裁兵變價米內照數

找給

乾隆五
十三年

一安慶新安建陽廬州鳳陽滁州等衛幫應支
行月等米例在安慶池州等府屬額徵米內支
給因乾隆五十三年上江安慶等府屬被水蠲
緩奏明於江寧揚州二府屬州縣徵存節年緩
漕米內照數借撥

乾隆五
十四年

一安慶等衛幫因乾隆五十三年安慶各屬被
災除緩缺行月米一萬四千三百八十三石五
斗零於江寧揚州二府屬借撥外尚有蠲缺行

月米五千一百二十石八斗零在宿松望江等

五縣帶徵原緩行贈米穀內撥補

乾隆五十四年

一河南臨前等十幫軍船乾隆五十三年加裝

搭運并雇船裝運節年帶徵漕糧應支潤耗并

行月等米除德州倉支給外不敷米八十二石

九斗零在內黃縣存倉薈米內動支

乾隆五十四年

一寧波等衛十二幫名本實折月糧改支本色

米二萬六千八百餘石遇閏再加米二千七百

餘石查明省倉積存耗米七萬一千餘石及常

年歲餘南米六千三百餘石堪以撥抵自五十四年爲始按年支給其幫丁應支一兩二錢一石之折色價銀解司歸款

一江西省行月二糧全支折色每石祇折銀七錢旗丁不敷買食將各州縣運漕至省支給船戶水脚銀內酌減一半銀一萬二千五十二兩零將各州縣徵解漕糧動給縣倉扒夫耗米內酌減米九千六百九石八斗零再將各州縣運漕至省盤撥准銷米二千七百二石八斗零全

行裁減共米一萬二千三百十二石零以此三
項銀米分給十三幫漕船每船可得銀十八兩
零米十九石二斗零其餘行月折價照舊支領
乾隆五
十四年

一鳳陽各幫向係兌運蘇州常州二府漕糧其
應支月糧米石每歲遠赴上江支領往返千餘
里零星寫遠不能及時濟運應將安慶等府州
縣額徵行月米除坐派本次幫船外其餘順道
州縣存剩米四千一百餘石仍坐派鳳陽各幫

支領所有寫遠不便之行月米二千六百餘石
自乾隆五十五年爲始歸入漕糧項下加裝搭
運給與負重銀兩另於揚州府屬沿河順道州
縣內照數易出漕贈米石派給鳳陽各幫嚴計
兌運安慶等府州屬之幫每船加裝米不過數
斗數石至十餘石爲數不至過多而兌運揚州
府屬之幫每船不過減裝米十餘石亦與起運
正漕數目無虧至鳳陽各幫除順道支領本色
月糧外尙不敷米八百餘石如遇各幫船隻減

歇自有減存米石可以通融派給倘無減存米石之年或遇行月因災緩徵卽按每石一兩折給

一安徽省邳州宿遷二屬乾隆五十五年應徵鳳陽各幫月糧因災停緩派缺米二千五十六石零並應支道倉不敷缺額米一千四百五十八石零在太湖合肥二縣存倉溢額米內撥用
乾隆五十六年

一東省動撥薊糧運密雲縣兵米所需運費不

數辦運每石開支潤耗銀五分米五升在德倉

項下開銷

乾隆五十六年

一山東省起運乾隆五十六年分帶徵買補漕

糧各幫添雇船應需行月銀五千一百八十四

兩在漕項銀內動支行月米六千四百八十石

除動支漕項米外尙不敷米四千二百四十九

石九斗零在滋陽等縣蘄糧米內動給

乾隆五十七年

一浙江省處州前等十一幫輪造漕船本非產

木之鄉除例價外並無別項添補賠累莫甚於

明照寧波及嘉湖白糧等幫一例復給行月銀

米資貼造費

乾隆五十七年

一湖州所幫應支本色月糧在處前等幫輪減行月并南糧耗米內湊給今處前等幫既經復給本色行月所有該幫米石在南糧正耗米內支領一千六百石並原支耗米三百石儘歸該幫年支本色月糧之款

乾隆五十八年

一河南省起運乾隆五十八年分漕糧並帶運節年緩徵漕米麥豆各幫潤耗及本色行月等

米除全支外尙不敷米一千五百七十三石零

在附近水災之湯陰等縣存倉薊米內動給

乾隆

五十九年

一江蘇省各衛幫應支行月糧米因蘇松太三

府州屬隨漕停緩除減船節省外計不敷米六

千七百餘石循例在熟田漕糧內撥抵支放俟

明春按限徵還搭運

乾隆五十九年

一寧波等幫改本月糧所撥省倉積存耗米支

竣祇有常年歲餘米六千三百石內除撥湖州

所米一千六百石外僅存四千七百石連舊有
例搭月糧每船祇本色米十五石零計不敷米
三十餘石今將五十三年省倉支剩米并五十
八年水師裁兵糧及省倉積存耗米共五千七
百三十四石零以之派給每船可添撥米七八
石但此項存米因各屬未完南米甚多尙須畱
爲省倉支放兵糈之用議於嘉興等縣五十八
年徵解南米內支給各幫米五千七百三十四

石

乾隆五
十九年

一山東省起運乾隆五十八年分漕糧并帶徵
買補米石各幫添雇船應需一半行月銀六千
五百七十六兩除動支徵存行月折色等項銀
兩外尙不敷銀二百二十餘兩於耗羨銀內湊

給乾隆六
十年

一山東省本年起運各幫應支行月等項不敷
銀三千六百餘兩在德州倉項下動給

乾隆六
十年

一長淮鳳陽等衛各幫應支行月并江興二衛
各幫應支閏月等米共八千五十三石零因災

停緩不敷支給在淮安揚州二府及鎮江府屬
徵存緩漕米及派存行月米內照數借撥湊給

乾隆六

十年

一湖州所應支本色月糧例應添撥南糧耗米
三百石在各屬應解省倉充公耗米內請給因
兌漕之時南耗尚未徵足於石門縣應解省倉
南糧正米內先行放給俟奏銷時分別正耗造

報

乾隆六
十年

一浙江輪減船隻復給行月原爲貼補造船之

用其負重銀兩係屬現運之丁常年支領以爲

沿途運費在
其照舊補給俾運造兩無缺悞

嘉慶

元
年

一湖北輪減船隻應給一半本色等項米石於

常平倉穀按照一米二穀給發其各屬帶徵二

耗米石照時變價解司照穀價分別買補還倉

嘉慶

元年

一臨清河南後幫軍船內派運保雄兵米船隻

並無起運正糧應支行月銀米僅有例支潤耗

銀米並負重銀兩辦運甚爲掣肘准照裝運密
雲兵米之例除將負重銀兩扣除不給照舊支
給潤耗銀米加給本折行月銀米所需本色米
石因支剩行糧業已照時變價每石以一兩九
錢九分之數按石折給

嘉慶二年

一蘇松等屬編徵行月各幫應支米石需用較
多若減年不卽酌留則全漕起運年分必須籌
補請將蠲剩隨漕米石照上江蠲漕無船起運
贈米無須給丁儘數畱存撥抵給丁行月之案

辦理

嘉慶二年

一東豫二省嘉慶二年起運元年分漕糧蠲緩
所有減歇淺船奏明撥給自備各丁兌運閏月
銀米仍循舊例給與自備各丁領用

嘉慶三年

一浙江寧波等十二幫月糧改支本色米石實
數僅祇十分之三將杭州等府屬縣零戶折價
米石除去原支銀一兩二錢多餘銀四錢添給
幫丁按船均派其常年尙有不敷併閏月加增
米石俟遇有餘米再行議給

嘉慶五年

一浙江省嘉慶三年蠲漕項下額徵行月米石
除停運各幫額支苦蓋月糧並輪減停雇等米
外餘剩行月米石均勻撥給漕白各幫支領在
於起運錢糧內照例扣報

嘉慶五年

一江浙各幫本色行月等米前經奏明每石以
一兩九錢折給令旗丁另買次米食用得沾餘
潤茲查米價須銀二兩四五錢所折價銀不敷
買糴仍照定例兌領本色

嘉慶六年

一江興等幫六年分行月米石不敷支放於上

元江寧等縣徵存積年緩漕贈五米內撥抵

嘉慶

六年

一江西省各州縣隨漕徵存支給運米船戶水
脚銀二萬四千一百四兩零又徵給縣倉挑扒
等項人夫飯米一萬九千二百一十九石七斗
零內除乾隆五十四年奏准劃出一半銀米給
丁濟運外州縣尙有一半徵存支用嘉慶六年
奏准於現存州縣銀米內劃出一半分給幫丁
貼補運費州縣仍留一半銀米在倉支給

一寧波等幫不敷本色月糧米石於截存米內

一體撥給米價銀兩照數扣繳司庫

嘉慶七年

一通津等幫應支本色行月米石不敷支放照

德州倉糧之案將睢州帶徵行糧米石通融支

給

嘉慶七年

一江興等幫七年分行月米石不敷支放於江

寧揚州二府屬常平倉穀碾米尙不敷米於徵

存緩漕贈五米內通融撥給

嘉慶七年

一湖州所應支本色月糧米石例於應支南耗

米內湊撥嘉慶七年冬應支南耗米石在於六年未解月耗米內支給仍於省倉耗米內作明

收放

嘉慶八年

一浙江寧波前等十二幫應支本色月糧原定每石一兩二錢不敷買食乾隆五十二年改支省倉積存南耗等米支竣之後復議常年截存歲餘米石尙有不敷本色於嘉慶四年題明加給南糧零戶折價之每石餘銀四錢添給幫丁以資買食此項銀兩如無災減船隻之年按船

攤派嘉慶九年除災減船隻外攤給現運停雇
輪減漚減等船支領

一江蘇各州縣被災蠲緩派減船內輪減免雇
船隻照例准其全支行月

嘉慶十一年

一江南各屬間被偏災各幫行月米石暫緩收
買如遇年歲豐稔糧價平減仍照部議酌量收

買漚帶運通以裕食儲

嘉慶十二年

一湖北省緩徵漕糧減歇漕船例給苦益月糧
本色米石及頭舵水手日食米石向係借動江

夏漢陽二縣常平倉穀按一米二穀給發仍將帶徵緩漕餘耗變價買穀還倉嘉慶十二年各屬緩漕減歇漕船應支幫丁頭舵水手月糧日食米石仍照歷屆成例借動江夏漢陽二縣常平倉穀支給惟各屬帶徵緩漕餘剩耗米應撥充兵食無米歸還而倉穀原備地方不時之需在於司庫動項買補以實倉儲

一江南各幫輪造免雇船隻准照浙江免雇之例一律支給行月銀米以資接濟

嘉慶十四年

一浙江嚴州所幫每船額給月本款內有未經
改本米三十餘石在於南糧存耗內改米支給
每運劃給嚴州所幫米一千六百石該幫應領
月本每石銀一兩二錢由道扣解司庫造報入

撥

嘉慶十
五年

一江南徐州鎮標各營改支銅蕭二縣粟米江
興各幫加裝江寧等縣南撫鳳米還漕案內長
淮三四兩幫應支本色行月二糧六十二石照
揚州二幫加裝淮安三幫裁船米石之例將應

支本色行月以銀一兩抵米一石

嘉慶十五年

一湖南各幫未經回次空船應支行月二耗銀

米據湖南巡撫奏請全行給領暫緩坐扣所雇

民船應需口糧並無耗米可支照收買餉賜米

價之數每石以一兩七錢折給所需水脚按各

船應得行月銀數按程覈給於司庫借撥分作

二年扣還

嘉慶十五年

一江南淮安頭幫嘉慶十三年分應輪灑帶減

歇船隻苦蓋錢糧經照數支給不准補支行

月銀米

嘉慶十六年

一山東省成造漕船同係甲年購料乙年成造

應支一年造船月糧如遇閏月在購料成造一

年限內者方准支閏月月糧在一年限外不准

支領

嘉慶十七年

一湖南各幫減歇船隻應支減半月糧內一半

本色米石及丁舵水手食米因緩徵二耗米石

不敷各准仿照出運丁船行月二糧折給之例

每石概以七錢折給

嘉慶十七年

一江西九江後幫旗丁黃福張王朋同空遭風
拆板應行買補船隻派入災減與例不符行令

將四分之一月糧停給

嘉慶二
十年

一浙江寧紹台溫處各前後並金衢等十一幫
每船額給月糧本色米四十八石除於南米餘
贍等款內支給本色米十六石零外其餘每石
折給價銀一兩五錢零近年市價較昂不敷買
食浙撫等奏准每石添給銀一兩二錢零共折
給銀二兩八錢在裁減丁船節省款內動支自

嘉慶二十二年冬運爲始照數添給

嘉慶二十二年

一浙江白糧等幫應支本色行月米石因災蠲
緩不敷撥給經浙撫等奏准每石折給銀二兩
八錢在糧道庫白糧車夫經費及本色行糧銀
款項下動支又嘉湖二白幫改漕丁船遇閏月
糧每石概以二兩八錢折給

道光四年

一山東省濟寧前等幫嘉慶十九年裝運直省
兵米在於臨清截留起卸應追未行程途行月
潤耗等項米石因丁力難支准其援照乾隆二

十八四十四十九等年成案每石折銀八錢完

繳免其按照時價

道光四年

一江淮興武滁蘇儀徵揚州淮安廬州泗州大河鳳常鳳中長淮鎮江蘇州太倉鎮海金山蘇州松江常州白糧等幫因蘇松常鎮太漕糧改由海運該軍船截留北河接運別省漕糧僅得水腳銀兩未免苦累漕督咨准將月糧一款全數支給以資津貼其節省行賄銀兩造報入撥節省米石派幫撥運赴通交納

道光六年

一江西省漕糧盤撥運通所有未經渡黃各幫
旗丁額給行月銀兩經江西巡撫奏准照舊全

給

道光

六年

一浙江寧波前後紹興後三幫永灑灑減等船
應運糧米向係出運船隻分灑加裝其行月等
款銀米統歸現運支給因該三幫軍船截留河
北接運所得運腳食米無幾丁情艱窘咨准灑
船行月銀米照舊給領

道光

六年

一湖南湖北各幫漕船盤撥運通坐守日久丁

力拮据所領行月銀米經該撫奏准照額全支

免其計程劃扣

道光六年

一興武二揚州二三長淮三徐州衛江北等幫
九運減存各船加修派撥接運僅得水腳銀兩
未免苦累援照蘇省海運各幫接運別省漕糧
之案咨准全支月糧

道光六年

一浙江寧前等三幫道光五年截留河北船隻
倣照江省成案全支月糧其每船應支折色月
糧銀四十八兩咨准在於減存折色本款內撥

數動給

道光七年

一湖南醴陵等州縣漕糧被災緩徵守減各船應支減半月糧內一半本色米石及舵水食米援照嘉慶十二等年成案每石以七錢折給內有輪應大造船四隻係無船在次守減援照嘉慶元二等年成案給與四分之一全折月糧每石概以七錢折給在南糧驢腳銀內動支

道光七年

一江蘇省道光二十三年蘇松等屬漕糧歉收緩徵計緩缺不敷行月米三萬一千四百十七

石零兩江總督等奏准在於熟田漕糧米內照數撥補俟各屬屆限徵完統歸緩漕搭運還款

道光二十四年

一浙江省杭嘉湖三府屬徵收漕糧項下內有應徵月糧米石河運之時係爲預給各幫津貼養贍之用各州縣徵收甲年漕米卽並徵乙年月糧以濟支放經浙撫咨准現當兵燹之後試辦新漕本屆徵運漕米卽並徵本屆月糧以後按年並徵毋庸照從前連年預徵月糧辦理

同治

年四

欽定四庫全書
行月例款

144

欽定戶部漕運全書卷三十二目錄

貼費雜款

負重貼費

給丁節餼

扣追欠款

負重貼費

一江南省蘇松常三府白糧向係雇募民船受兌康熙十四年題定抽選漕船運白各船應載糧米分漚餘船帶運每加裝正米一石給負重銀五分

一安慶衛照漕用丁按丁派給行月舊例每船裝正米三百三十五石有奇正兌之外加添帶運其行月二糧俱按所載漕糧銷算康熙二十五年各省畫一減丁每船均以十丁支給行三

三十四年題定仍照例按糧支給

一浙江省漕減船隻應載糧米分漕各幫帶運
舊例每漕減一船給與負重銀四十八兩康熙
二十五年題定照江南省例每加裝正米一百
給負重銀五分

一江西省漕船缺額原撥江廣幫船協運康熙
五年題定軍船於原派一淺之外加載米石按
淺支給行月每石給銀一錢五分五釐三十三
年停止協運原派米石令本省軍船加添載運

其加裝漕米行月仍照舊例按石支給

一山東河南湖廣三省原係按米派船向無加裝米石支給負重之例康熙二十九年湖北帶徵漕米撥用減存船隻餘米分灑各幫帶運其撥用減船行月席木等銀題明准其照例支給至加載米石所有行月貼運銀米概不准支雍正四年山東省緩徵漕米各丁雇船裝運題准照依南漕搭運之例每石給負重銀五分

一各省帶運緩漕負重銀兩例與行月等項一

金匱要略卷三十三
體支給惟山東省歷來先題後給例不畫一乾隆七年題准嗣後與行月一時支給造入奏銷具題

一江興二衛貧疲丁船加一裁汰裁船米石分裝九船裁船銀米增給九丁至揚州二幫撥抵江興二十四船既係一例分裝行月錢糧一體

加增

乾隆十三年

一裁船應運米石係永定加裝非如緩漕暫時搭運者比各該船原支本折行月一體按糧派

給以資運費

乾隆二十年

一京口漢軍官兵出旗爲民江寧一半蒙古官兵移駐鎮江應需兵糧較少於原截漕米內復起運米二萬四千三百餘石灑帶常鎮二屬現運四百九十七船之內加裝出運應支行月銀米照各本幫額數覈派在蘇松糧道裁存項下

動支

乾隆二十九年

一裁汰撥兌蘇揚二屬之淮安三大河前幫船七隻應運米石卽於兌運蘇屬幫船帶運裁船

行月銀米按帶運米數派給各船

乾隆三
十年

一裁汰揚州二幫撥抵江淮八興武三七等幫
船二十三隻應運糧米分灑江興二衛兌運松
糧船內加裝裁船行月銀米分給加裝各船資

運

乾隆三
十年

一江興二衛分支揚州二幫裁船行月銀兩在
江安糧道庫貯原額銀內照數給發其江興各
幫兌運松屬丁船應支贈負席片等銀在蘇道

庫內給領報銷

乾隆三
十年

一山東德州幫裁船節省行月米石若分灑帶
運計算每船僅多裝米十餘石毋庸雇船裝運
按數分灑各幫每石支給負重銀五分潤耗銀
五分米五升以濟帶運之費

乾隆三十一年

一湖南省輪蠲漕糧減歇各船屯田幫費銀兩

照數全給

乾隆三十三年

一湖北省輪蠲漕糧減歇各船屯田幫費銀兩

照數全給

乾隆三十四年

一江淮等衛官爲徵給屯田津貼銀兩該省輪

值蠲免全數給領

乾隆三十四年

一湖北武昌衛新陞幫費銀七錢三分三釐按

年徵解道庫給丁濟運

乾隆三十五年

一宿州二幫應支亳州津貼銀兩係歸州徵收

雖與各幫津貼不同而贍運則一蠲免之年所

領津銀全數支給

乾隆三十六年

一湖南荆左衛籤運並無運操赤名色義幫銀

兩卽在本衛旗丁名下按糧每船派幫銀一百

兩荆州岳州二衛係在運操各軍名下按照糧

餉每船派幫銀一百二十兩荆右沔陽二衛原
在運操赤三項軍丁名下按照糧餉人丁每船
派幫銀一百二十兩此項銀兩命名義幫係同
幫樂輸之項給牌聽丁自行收取毋庸官爲徵
給牌後將各糧戶應幫銀數查明開單粘尾以
杜多索糧戶抗違不給卽令稟官追給至各衛
軍屯除岳州衛外其餘四衛軍屯坐落星散旗
丁不能分身親收給牌本船運丁兄弟子姪協
同屯頭戶首先爲代收各衛如有屯坐星散者

一體辦理

乾隆三十六年

一浙江杭嘉湖三府屬各州縣例徵漕費錢文
嘉慶五年奏准一體給丁

一浙江省白糧每正耗米一石有春耗米三斗
爲數較多嘉慶五年奏准卽於州縣春耗米內
酌撥六升本色給丁

一豫省徵收漕糧每石隨徵耗米一斗一二升
至一斗四五升不等節次議給旗丁耗米八升
尙餘五六七升不等向係畱爲各州縣鋪墊倉

販等費之用嘉慶十五年因撫卹窮丁奏明將
餘贍耗米再撥給旗丁一半約每船又可得津
貼銀二十餘兩連前共得銀七八十兩計其沿
途支用尙有盈餘此外不准再有需索

一湖南各幫運道綿長費用繁多經湖南巡撫
奏准在司庫備貯項下賞借銀五萬兩發給漢
鎮岸商承領按月一分行息每年息銀六千兩
以二千五百兩解司還款其餘三千五百兩均
勻散給各可俟二十年後本款全數歸還外所

有岸商承領銀五萬兩永存作本長年生息每
年息銀六千兩儘數分給各幫

嘉慶二十一年

一江寧江浦等縣快丁應徵貼費因丁力疲乏
追繳維艱據江督等奏准江寧歲需運造兩費
經該縣紳士捐銀七千二百九十兩請借庫銀
二萬兩江浦歲需運造兩費經各快丁捐銀二
萬三千兩請借庫銀二萬兩一併發商按月一
分生息分給各快丁爲額徵歲貼之費所借庫
銀分作十年提本歸還原款即將餘息並同捐

欵永遠作本存典生息

道光三年

一江南全椒縣額僉快船四十三隻每年需運
造各費銀六千一百三十兩近因丁情疲困積
欠日多據漕督奏准該縣民快人等共捐本銀
五萬一千一百兩零援照江寧等縣成案發交
典商按月一分生息抵交運造兩費

道光五年

一嘉慶六年修理北倉案內動撥天津道庫銀
二萬兩以一萬一千八百兩發交長蘆商人生
息原議所得息銀俟歸還修倉墊欵并將原本

提還後餘息仍循環營運嗣因商力疲乏據漕督奏准本銀分年繳還利銀隨本遞減統計收過生息銀二萬一千十九兩零除歸還北倉修費並動撥各款外尙存道庫銀四千八百十九兩零仍照案發交蘆商按月一分生息每年解交天津道庫以備漕務不時之需

道光六年

一江南上元縣額僉快船三十三隻除已捐產貼運各船外尙有自運十三船向無贍運之資據江督奏准該縣紳士丁氏等公捐銀一萬

千六百兩發典生息又該縣快丁楊明章等七
船前捐本銀一萬一千二百兩按年一分生息
今請改爲按月計開一分行息每年可增息銀
二百四十七兩三錢又道光三年調劑江邑快
丁案內餘賸息銀酌提一半銀一百三十一兩
五錢協濟上元以上每年共可得息銀一千九
百四十一兩二錢足敷運造兩費之用所捐本
銀分交上江二縣各典收領自道光七年爲始

按季繳息濟運

道光六年

給丁篩颺

一湖北省漕船據該撫奏請每船津貼米二石四石均照行月以七錢折算湖南省漕船據該撫奏請每船南秋米折銀內酌給銀二十兩經部議駁令照浙江之例將原備篩颺米內割出二升七合六抄撥給旗丁以資津貼

嘉慶四年

一江西省漕船六百三十八隻據該撫奏請裁減船四十隻部議裝米過重諸費周章未便更改惟旗丁疲乏自應酌予調劑議將原備篩颺

米內亦照浙江之例割出二升七合六抄給丁

辦運

嘉慶五年

一江蘇浙江江西湖廣山東河南等省正兌項下原備節慶米石內既經分別割付旗丁所餘二升三升之數不得全作折耗計算應由倉場於漕米進倉抽驗時將各倉折耗確數切實查報其中實有折耗過多不敷作正之處倉場親查確實取具監督等印結報部題銷改兌項下并未割給旗丁仍照舊例辦理

嘉慶五年

一河南省改兌項下應交節颺米石到壩時倉場悞行劃付旗丁奏請於應得養廉內按例價扣繳歸款

嘉慶五年

一江蘇省改兌項下節颺耗米據江蘇巡撫奏請自嘉慶六年爲始照正兌之例一體劃給所有五年改兌項下給丁節颺米石仍著落該撫等分賠帶運項下耗米亦令一律交納

嘉慶五年

一撥運薊易米石向係覈計平米派截王兌項下原備節颺旣經奏明扣給旗丁其撥運項下

另用正項米石照數抵補

嘉慶五年

一豫省額徵正耗白麥一萬石內正兌正麥五

千八十六石四斗每石應劃

升七合六抄於該幫所裝耗米內劃給以抵正

兌白麥應給篩颺之數

嘉慶五年

一豫省額徵白麥內應給旗丁篩颺麥石在於

耗米內劃給不敷米石在於耗豆內抵給

嘉慶六年

一山東省應給旗丁篩颺耗米照江西之例通

省幫船將正兌項下應劃付旗丁一升七合六

抄耗米均勻分給

嘉慶六年

一湖北省帶徵正兌項下應給篩颺米石奏准

照江蘇之例一體支給以昭體卹

嘉慶七年

一浙江各幫搭運嘉慶九年分緩漕米石俱係

正兌糧米所有帶運緩徵漕糧項下篩颺米價

咨准照嘉慶六年爲始一律支給成案並江西

省咨准災緩漕糧隨正徵收贈扣篩颺等米折

銀給丁之案一例照數折給

一豫省帶運漕糧項下向不劃給篩颺耗米嘉

慶十年帶徵八年漕糧率行劃給篩颺米麥豆折銀兩將濫放之糧道蔣繼勲照例降一級調

濫支運弁職名免其開送

一浙江漕白幫船嘉慶十五年在途節節淺阻守候日久丁情竭蹶奏准將每石應交篩颺米二升七合六抄比照緩交餘米之例緩至下年帶交

一大河前幫因東省閘河阻淺行走稽延又奉

起截易糧催撥交卸需用較繁經倉場侍郎奏
准將應交篩颺耗米緩俟下運搭解以紓丁力
其餘各幫不得援以爲例

嘉慶十
九年

一安徽池州幫漕糧被雨米質受傷起卸進倉
時內有不堪交納米四百餘石照數易換賠補
所有應交篩颺耗米因幫丁疲乏無力完交據

倉場侍郎奏准緩俟下年帶交

道光
三年

一浙江杭嚴等十六幫因在楊村起撥米石被
雨受傷責令儘數易換賠補所有應交篩颺耗

米一萬二千餘石經倉場侍郎奏准緩俟下年

帶交其杭三紹前兩幫除耗米抵補外尙有不

堪交納正米二千六百餘石一併准其帶回緩

俟下運同應交耗米照數完納

道光三年

一浙江台前等十二幫因上冬起運漕糧不能

一律飽綻米石折耗較多無力賠補經漕督奏

准各幫應交篩颺耗米暫緩交倉自道光七年

冬運起勻分三限搭解還欸

道光七年

扣追欠款

各省截留漕船介於起運停運之間其扣給各項錢糧向未定有成例雍正十三年乾隆元四等年酌定

一江南省截留船隻應支三修月糧錢糧准其照數全支行糧盤耗贈銀負重等項銀米與程途遠近俱作十分計算走一分給一分如走一兩站未及一分者卽按站扣算支給贈米一項如截留米到州縣半月收清者按程給追如半

月以外每石給米一升滿一月者給米二升滿
兩月者給米四升滿三月者全給其州縣或藉
米色不純指延過期者許運弁通詳督撫委員
驗看果有徵變責令弁丁賠補如州縣捏詞指
延據實叅奏若幫船截留本次或旋兌旋卸或
數月後收清贈米亦按月計算如藉端遲延希
圖混冒察出叅追

一浙江省截留漕船應支月糧三修錢糧准其
全支行糧盤耗負重清截等項與自水次抵通

程途俱作十分計算走一分給一分不及一分者按站支給

一江西省船隻船身較大裝米數多兼之水次開行逐節淺阻撥淺長江守風過淮修驗一切費用較浙江不同遇有截留將原領折耗行月贈銀贈米斛面米石均免扣追其一三副米四耗米石如在淮安以南截留者將四耗米石令其隨正交納一三副米免追如過淮截留者將四耗米內正米隨交二斗五升改米隨交一斗

七升并每石另交一升贈米外其餘米石與自
准到通程途各作十分計算走一分給一分

一山東省截留漕船應支三修月糧及任城幫
贈運銀兩准其照舊支給其本折行糧及潤耗
銀兩與水次抵通程途俱作十分計算走一分
准銷一分不及一分者按程支給潤耗米石截
留州縣半月內收清按程給追如過半月給米
一升滿一月者給米二升滿兩月者給米四升
滿三月者全給其截留在本次者亦按月支給

一河南省截畱漕船日糧一項全數支給如船雖抵次尚未裝載者豫省毋庸議給其潤耗銀兩行糧銀米與程途遠近俱作十分計算走一分給一分未及一分者卽按站支給官役俸工照額支給如船開行走十數程奉文截畱仍回原次者亦按重運程途計算按程計追潤耗米石截畱州縣半月交清按程給追如過半月給米一升滿一月者給米二升滿兩月者給米四升滿三月者全給其截畱在次船未開行而糧

已裝載在船潤耗米石亦按月支給截畱船糧
已抵臨清者盤撥銀兩全數支給未抵臨清者
將自衛輝水次至臨清作十分程途計算覈給
一湖南湖北二省各丁所領錢糧與別省較少
乾隆四年題准如遇截畱各丁所領三修行月
二耗并州縣津貼京腳銀米均免扣追其一五
耗米按程按分追給

一各省截畱船隻有到次尙未受兌及已兌未
開行者作何支給錢糧原議未經議及乾隆五

半題准未兌之船照停運例給與減半月糧已
兌未開之船加給三修銀兩嗣因漕船額設錢
糧原爲修艖船隻置備損具雇募水手身工飯
食并一路添絳盤撥等項之用原議截畱船隻
行月等項銀米按程扣追難免苦累乾隆七年
奏准酌覈各省幫船在次費用情形量加增給
除截畱薊州易州照抵通例各項准其全給其
餘已兌開行之船豫東二省每船給銀五十兩
江南浙江二省每船給銀六十兩湖廣省每船

給銀七十兩江西省每船給銀九十兩以資幫
丁在次修船隻置備什物及雇募頭舵水手
安家養贍之用應給銀兩卽於行月折色銀內
扣給所有存剩行月等項銀米江浙豫東等省
仍照舊按程追給江西湖廣二省路途遙遠兼
涉江湖在未過江以前截畱者除在次酌給銀
兩外其餘剩銀米一體按程追給過江尙未渡
黃者給與四分之三渡黃已至臨德等處者各
項銀米准其全給

一湖廣省截畱漕糧因湖北二三兩幫漕船運
赴淮安交卸內買雇等船不給三修外其餘軍
船按原領三修銀兩覈給四分之三下剩銀兩
按船追繳報撥

乾隆二十一年

一江淮興武等幫應追乾隆十二等年分
按程銀兩乾隆二十年新運錢糧內祇扣起運
之年一分限銀其餘遞年查扣并乾隆十四五
六各年分應追銀兩自乾隆二十一年爲始分
作兩年勻扣乾隆十七年分應追銀兩分作三

年勻扣 乾隆二十二年

一山東省截畱各丁扣存行月米石循照漕例

易銀解部 乾隆二十二年

一湖南頭二三幫乾隆二十一年分截畱漕糧

運赴江南徐鳳二府備用應追未行程途米石

於本年新運米內扣起分作三年扣抵還項 乾隆

二十六年

一江淮衛五八幫興武衛三七幫應追截出天

津北倉未行程途行月等項錢糧乾隆三十四

年題准自該年爲始分作二年完繳

一太倉衛後幫應追未行程途行月等項銀兩
乾隆三十五年題准照江淮等幫之例自三十
四年爲始分作二年還項

一興武九幫應追未行程途行月等項銀兩乾
隆三十五年題准循例自三十四年爲始分作
二年完繳

一湖南各幫因所領新運錢糧內應還借給庫
項銀兩資用缺乏在於徵存漕費項下暫行賞

借銀五千八百七十四兩以資輓運所借銀兩
於每年應得錢糧內扣存一分作為十年歸還

清款

乾隆四十年

一山東德州等幫乾隆四十年起運漕糧截留
天津北倉應追按程銀兩已經費用無存若於
新運錢糧內全行扣還恐北上辦公必多掣肘
准其分作三年扣還

乾隆四十年

一河南儀封考城漫口欽奉

諭旨截留漕糧十萬石通州天津二所幫船派減停運

已領過修船銀兩并本色月糧米石照乾隆五
年停運案內勻扣之例於四十四年爲始分作

二年勻扣還款

乾隆四
十三年

一豫省輪免漕糧通州天津二所停運漕船已

領過修船銀兩并本色月糧米石於四十六年

爲始分作二年勻扣

乾隆四
十五年

一宣州幫旗丁李熾南無故拆板一船無需回

空應將回空銀兩追繳并議於行糧米內分別

重空酌量解繳

乾隆四
十七年

一浙江省處前等幫在北東阻并減存船隻俱已停運應扣欠項銀兩緩俟下運扣歸還款
乾隆五十年

一湖北出運漕船因撥運水淺費無所出丁情拮据籌議各幫船每隻借給銀五十兩以資接濟所借之銀於道庫積存資役款內動支委員解交總漕散給濟運其銀酌限五年在各丁應盡銀糧內分扣還款
乾隆五十年

一浙江台前等九幫凍阻北河船身受傷歸次

後必須大加修整本年應領錢糧除扣繳各項
積欠外所領銀數較少丁力竭蹶奏明分別極
疲次疲借給銀八十兩至一百五十兩不等共
需銀五萬兩於道庫留協項下動給概限三年
扣還

乾隆五
十年

一浙江台前等九幫因在北河凍阻奏准酌借
道庫銀五萬兩分別借給限三年扣還乾隆五
十一年起運五十年分漕糧遇歉緩徵無須全
船起運所有前次遭凍船四百八隻今次起運

僅二百六十八隻每船自八十兩至一百五十兩不等共借銀三萬二千五百五十兩餘贖銀一萬七千四百五十兩俟各該幫受凍丁船下年起運之時一體借給均按原限扣繳

乾隆五十年

一湖南頭二幫出運各船因運河水勢微弱木

植盡卸江口售賣無主前途提溜打閘以及雇

夫加絳各項無措每船酌借銀三十兩共銀三

千九百兩在於旱衙津貼銀內動支以資接濟

自五十二年爲始分作三年扣還歸款

乾隆五十年

一河南省撥運良鄉等處兵米添雇船十三隻
遵照部咨應減船一隻因幫船已經兌竣開行
勢難分灑帶運祇可照舊裝載俟奏銷時照依
十二隻造報支過行月銀米追還歸款
嘉慶二年
一浙江漕白幫船乾隆二十五四十二等年公
借銀兩因上年輪免漕糧未經坐扣本息統於
嘉慶五年爲始分作十年扣還免其繳息嘉慶
三年分公借銀兩仍按原限六年辦理毋庸再
予展限又借撥行月米價應令全數扣還應給

旗丁折色行月二糧照原定折給不得照金華
台州折徵兵米價值議增又每石於原徵漕費
錢文之外亦不准其酌加准其在於原備篩颺
米內照江蘇之例每石劃給旗丁篩颺米二升
七合六抄以裕丁力

嘉慶四年

一浙江幫丁借撥行月餘米應繳價銀三萬九
千四百餘兩一時措辦旗丁實有不能奏分六

年歸款

嘉慶五年

一浙江失風漕船搶掠乾濕米石分灑通幫帶

運所領行月錢糧免其追繳

嘉慶十一年

一嘉慶十二年漕運總督薩彬圖奏江浙疲幫節次受阻身工飯食缺乏兼之沿途打水需費准將江安糧道解到快丁貼費銀兩暫散給安慶後等十幫每幫借給銀二百兩卽在各丁下運應領銀內照數扣解還原欸

一江西吉安幫船應兌糧米灑派通幫帶通交納除例支席贈銀米外其領過新運錢糧准其於下年新運錢糧內扣還歸欸

嘉慶十五年

一嘉慶十六年漕運總督許兆椿咨准湖北頭
二三幫因河道滯澀例帶木植俱未載入內河
提溜輓開用費浩繁中途窘乏准其於解還通
濟庫墊用撥價銀內動銀三千兩給發濟用令
糧道將借動銀兩於新運錢糧內照數扣解還
欵

一湖南頭二三幫漕糧嘉慶十五年截卸北倉
應解還通濟庫墊發撥價飯食等銀一萬六千
八百餘兩因尚有應還上年借欠銀兩勢難同

時並扣據湖南巡撫奏准在於司庫錢價項下
先行墊解俟上年借欠司庫墊銀並迎兌案內
水腳等銀扣完之日再將此次墊借銀兩分作
三年接扣歸款

嘉慶十
六年

一浙江杭嚴頭等四幫漕船在靜海縣遭風傷
重修費較多丁力拮据經浙江巡撫奏准在糧
道庫餉存項下酌借銀兩杭嚴頭杭嚴二海寧
所三幫每幫借銀六千兩杭嚴四幫借銀一千
兩俾資修整自本年冬運爲始分作十限扣還

又杭嚴頭二兩幫應扣通濟庫墊用撥價等款
銀一萬兩零並准分爲五限扣還

嘉慶十七年

一湖南各幫借欠十七年天津道庫撥價等銀

一萬四百餘兩據湖南巡撫奏准援照十四五

兩年成案在於司庫錢價項下先行墊解分作

三年接扣歸款

嘉慶十八年

一浙江省回空幫船因徒陽運河水淺在江口

停泊兩月未能歸次經漕督奏准每船酌借銀

二十兩共銀一萬八千四百四十兩先在河庫

道庫內就近按船給領再於浙江糧道庫貯閒
款內解還歸款所有各幫分借銀兩自嘉慶二
十年冬運起在於原借各丁應領新運錢糧內
分作二限照數扣還

嘉慶二
十年

一浙江各幫應扣十九年回空借給二限銀兩
及應扣災緩行月米價並不按限扣收於幫船
領銀兌開後始行咨請緩扣令將應扣銀兩按
數追繳並查取擅行展緩職名送部覈議

嘉慶
二十年

二
年

一浙江寧前等九幫積欠借支各屬縣庫銀兩
未能措還經浙江巡撫等奏准援照成案仍以
給丁應領餘米留南變抵自嘉慶二十四年冬
運爲始分限七年接扣

嘉慶二十四年

一浙江台前金衢杭二杭四嘉所溫前湖白處
前嚴所杭頭等十幫積年借支各屬縣庫銀兩
因無力措還據漕運總督等奏准仍於各幫丁
應得餘米變價留抵所有台前等九幫自嘉慶
二十五年冬運爲始杭頭一幫以來年冬運爲

始分限十年接扣

嘉慶二十五年

一浙省各幫軍船回空因徒陽運河阻淺未能
全行歸次丁力拮据據浙江巡撫等奏准循照
成案

恩借本銀八萬兩在浙江藩庫撥贖銀內暫提借給各
丁按出運六個月計算一分輸息年借年還俟
收足息銀八萬兩歸還藩庫原款仍以息銀作
本出借

嘉慶二十五年

一浙省台後溫後處後等三幫積欠縣庫銀兩

據漕運總督等奏准按照成案仍留餘米變價
接扣自道光二年冬運爲始分限十二年扣還

道光
三年

一浙江溫前金衢溫後台後湖白台前處後杭
二等幫漕船行抵宿遷等處遭風損傷經浙江
巡撫奏准在道庫扣存恩息項下借給該八幫
共銀一萬七百兩自道光三年冬運爲始分作
八限扣還又溫後幫應賠沉涇米二千零五十
六石並准自道光二年冬運起分作三年帶還

道光
三年

一江浙回空幫船前因在黃河以北守候日久
奏明每船借銀十五兩復因在後十八幫停候
徒陽運河啟壩歸次更遲借項不敷接濟經漕
運總督奏准再借銀十五兩每船先後共借銀
三十兩自明年冬起分兩次扣還歸欸道光四年
一道光五年漕督等奏准浙省軍船丁力疲累
本運餘米留南變價除每船提銀十八兩俟回
空給丁濟用外其餘銀兩貼補各幫運費所有

應還縣庫欠款再展一年按限扣還此內極疲
各幫並准循照成案暫於運庫提銀七萬兩分
別借給分限五年扣還免其輪息

一道光六年浙省漕糧辦理盤運雖軍船祇抵
清江而河北接運經費並無減少浙撫奏准將
該省上年今年兩運行月等款全數支給免其
計程剋扣其截留河北之寧前等三幫行月等
款准給灑裝米石之丁俾資貼補至該丁等額
支月糧本色及米價二款著照江南成案給領

又上年紹前等八幫東省墊給撥船津貼食米
約銀三千四十二兩零杭頭等三幫倉場衙門
墊放撥價等銀一萬四千八百九十兩零天津
道借給銀一千三百二十兩共銀一萬九千餘
兩均著緩俟下年酌分年限扣還歸款又上年
各幫緩交分限晒曬耗米及杭三紹後兩幫徵
變分限米石並各幫積欠米石等款准照湖南
成案緩俟下運依限搭解再金衢杭頭等幫扣
款較多所領銀兩不敷辦運准在道庫丁借息

銀項下酌量動支調劑

一江西各幫上年截卸北倉並在楊村起撥借
支通庫及天津道庫銀兩因盤壩撥運需費較
多經江西巡撫奏准所有各幫借支通庫及天
津道庫共銀六萬四千餘兩於司庫地丁項下
動墊分作五年扣還其廣信等十幫另借天津
道庫銀九千八十兩並准在司庫地丁項下墊
解自本年冬運爲始分兩年扣還歸款

道光六年

一薊糧項下東豫二省撥運良鄉兵米向係運

赴通州兌收嗣因奏准以於天津交卸程途較
近除應支月糧准其照舊支食外其支過行糧
潤耗等項銀米按程覈追歸欵又裝運霸州東
安兵米亦於天津截卸應支行糧等項嗣後一

體按程追繳

道光七年

一浙省幫船素稱疲累近年運道阻滯益形支
絀經浙江巡撫奏准在運庫京協餘平項下提
銀三萬兩分別借給以資辦運自八年冬運爲
始分限四年扣還並將各幫本運應扣造船公

借銀四萬餘兩自本運起分作三限扣繳其餘
米變價項下應還縣庫欠款照舊遞緩一年

道光

七年

一江蘇各幫積欠天津道庫撥價銀兩據兩江
總督等奏准先在道庫漕項正款銀內墊解清
款仍自道光六年冬季爲始於各幫丁應領新
運錢糧內分限四年由道扣還報撥

道光
七年

一次慶後幫截留臨清米石應追未行程途行
糧銀米因丁力苦累援照處前等幫成案一律

免繳

道光八年

一大河二幫丁船道光六年接運安慶後等幫
漕糧因糧米截留臨清該幫應支自臨清至通
州水脚口糧銀兩援照處前蘇後兩幫成案准

免追繳

道光八年

一江西省鉛山等八幫截卸北倉漕糧應需撥
價等銀由長蘆運庫墊發共銀三萬三千二百
九十七兩零行令在各丁新運錢糧內坐扣解
還嗣據該撫以各該幫所領錢糧不敷坐扣奏

請在司庫徵存稅契雜稅項下先行融動解部
歸款經戶部議准並令在各丁應領錢糧內分

作五年扣解還款

咸豐
元年

欽定戶部漕運全書卷三十四目錄

貼費雜款

蠲緩欠款

獎賞丁舵

蠲緩欠款

一乾隆八年截留運閩之紹興後幫九年截留臨清之台前海寧所幫十年截留本省之杭前後杭右後幫皆有按限扣追之項十三年奉

上諭著將紹後幫應完一限銀兩海寧所幫應完兩限銀兩俱分作三年扣還台前幫應完兩限銀兩分作四年扣還杭前後右後二幫應完一限銀兩分作二年扣還以紓丁力欽此

一向例各省糧船如遇中途截留者所領行月

等項錢糧按已未行程途追給豫省平山等四幫徐州長淮等三幫通州天津等兩幫截留東省船糧因已抵德州復運至韓莊等處交卸所運程途與抵通無異乾隆十五十六十九等三年咨准照乾隆八年截留江省之例一體免追一江淮四七等幫乾隆二十三年分每船截留天津漕米四百石其餘漕米仍係原船運通交納所有各船未行程途銀米免其追繳以卹丁

艱
乾隆二
十七年

一長淮衛宿州二幫經過洪澤湖漂沒漕船二十五隻成造維艱奏奉

恩旨於道庫內賞借銀一萬兩給丁趕造所借銀兩分作八年扣還歸款嗣於四十三年應扣二限銀兩因亳州田畝被淹丁力拮据奏准展限一年緩俟四十四年冬底扣還又緣鳳陽潁州二府屬漕糧截畱該丁應支苫蓋銀兩不敷應繳之數奏准將宿州二幫應扣二限銀兩再緩一年

以紓丁力

乾隆四十五年

一江淮頭幫旗丁田宏儒等二船失風案內原

領行月銀米及在淮開放銀兩俱已散給舵水

身工糧米灑帶本丁仍應跟幫赴通其盤撥過

載給費較多所有領過錢糧准其開銷

乾隆四十六年

一河南後幫停減旗丁周裔忠等十二名船隻

共領過三修銀九十兩領銀修船在先奉文停

減在後免其追繳

乾隆五十年

一浙江省漕白糧船二十一幫積欠銀兩經浙

江巡撫奏明分限扣還節年辦運維艱並遇減

歇無項可扣積至一十六萬八百餘兩本年應扣還八萬二千兩零再加以新船義會銀兩並恩借銀二項又應扣銀四萬四千五百餘兩丁力難支辦運掣肘請自五十一年爲始極疲扣款較多之台前台後溫前溫後處前處後金衢所杭頭杭二嚴所嘉白湖白十二幫分作八年次疲扣款較少之寧前寧後杭三杭四湖所海所嘉海紹前紹後九幫分作六年扣繳其各幫應行搭解之米二萬二千九百餘石本年先解一半餘

俟下運全數解交以示體卹

乾隆五
十一年

一長淮衛宿州二幫經過洪澤湖漂沒船隻欽

奉

恩旨賞借道庫銀兩除已扣外尚有未完六限奏准緩

扣銀一千二百餘兩因該幫額兌漕米奉文蠲

免丁船減歇所領苦蓋錢糧不敷扣抵兼之上

年田畝被災丁力拮据奏准再緩一年自五十

一年冬爲始仍分三年扣還以紓丁力

乾隆五
十一年

一乾隆五十二年浙江台州前等九幫回空船

在山東陽穀東阿等處東阻不能歸次明歲應
運新漕欽奉

諭旨撥運閩省平糶守凍各幫每船准借給銀二十兩
以示體卹欽此

一江西各幫積年借欠通濟長蘆及糧道各庫
共銀十四萬八千兩零於各丁應領行月耗贈
餘租等款內坐扣實屬不敷且恐辦運無資若
概予緩扣庫項難以久懸除五十一年撥費原
經奏動漕屯一款外其餘銀兩奏准於江西藩

庫閒款內動借銀十萬兩先還通濟長蘆及糧道等庫借墊各款統計前後借動銀十四萬八千七百餘兩併爲一款分作十年按船扣還先儘歸清藩庫借款後再行歸還糧道借墊漕屯之款

乾隆五十四年

一江安糧道所屬四十九幫內鳳中頭鳳中二徐州江北宿州頭廬州二大河二三淮安頭二等九幫積欠銀兩經奏明將行月運費扣抵并有楊村新舊撥價及積年糧道籌借接濟各款

約共六萬一千餘兩今冬應領新運錢糧實祇
四萬七千有零若按數扣繳則各丁實無辦運
之資請將應扣各款均緩至下年扣起徐州江
北宿州頭廬州二淮安二大河三等三幫分作
八年鳳中頭鳳中二六河二淮安頭等四幫扣
款較多分作十年於每年應得漕賄行月負重
等銀內坐扣還款此內有應交倉場及長蘆運
庫等款銀一萬餘兩飭令江安蘇松兩道於漕
餘項內先行撥解仍一體按限分扣

乾隆五
十五年

一鳳中二幫旗丁王三畏等應追未行程途行
月銀米因原裝米石灑帶各丁已經全完所支
銀米亦經分給各丁援照免追例案免其追繳
嘉慶
二年

一浙江各幫造船公借銀兩從前因蠲漕停運
節經奏准緩俟下年遞扣并將未扣銀兩尤後
分年扣交又該省

恩借本銀十萬兩自乾隆四十二年起至六十年止共
扣存息銀十萬七百餘兩部議將本銀催提歸

款并息銀內扣出銀十萬兩存庫備借餘息報撥等因嗣於嘉慶三年因永存項下不敷據浙江巡撫王德咨請於現存息銀內存留四萬兩動放公借之用仍俟輸足十萬兩後再行歸還

原欵

嘉慶三年

一嘉慶五年江西各幫積欠銀兩因追繳無著經江西巡撫張誠基奏請豁免欽奉

恩旨所有各幫船積欠銀兩著加恩豁免此後或有應需酌借之處將因何借給如何扣繳奏明請旨不得

因此次邀恩援以爲例欽此

一浙江各幫乾隆年間

恩借本息應扣二限并應扣二限行月米價以及應扣
三限造船公借銀兩嘉慶六年浙江巡撫阮元
奏准暫予緩扣一年

一浙江回空幫船因淺阻守候耗費嘉慶九年
據浙江巡撫阮元奏准將應扣乾隆年間

恩借本息並行月米價及造船公借銀兩照嘉慶六年
奏准遞緩一年之例仍遞緩一年又借領修造

軍船銀兩除嘉白幫毋庸議緩外其餘二十幫亦照嘉慶三年分限緩扣之例分作四年扣還一嘉慶十一年奉

上諭吉綸奏旗丁所領造船津貼銀兩懇恩免追一招湖北襄陽衛旗丁賀廷爵回空軍船於乾隆五十六年因民船失火延燒官給料價並照例在於積存款內津貼銀一千兩支給成造經該部以並非大造之期不應支給津貼節次查追固屬按例辦理但念該軍船前次延燒已屬意外被累現經查明該旗丁實

金匱要略卷三十四
係赤貧事經十餘年無力措完著加恩將前項津貼銀一千兩免其追繳該部知道欽此

一嘉慶十二年烏程歸安德清三縣漕糧緩徵派減各丁應扣

恩借銀兩浙江巡撫咨准統於起運之年在各丁漕截銀內扣還歸款

一嘉慶十三年奉

上諭清安泰奏懇暫緩漕幫扣項一摺據稱浙省幫船因上年輓運北上沿途節次淺阻直至秋盡冬初始

放空南下開河復遇冰凌歷計往還耗費爲數不少
現在新漕兌開緊迫該旗丁有應行扣還恩借本息
行月米價並嘉慶九年十二年兩次造船公借銀兩
可否請暫爲展緩分扣俾丁力稍得寬裕實於新漕
有益等語上年該省糧艘因運開各河節節淤阻圓
空已遲並有截撥截卸者該撫所稱丁力疲乏自屬
實在情形著照所請加恩將該旗丁等恩借本息行
月米價並九年造船銀二萬六千九百四十六兩零
暫行緩扣一年其上年春間各幫借領造船銀三萬

九千二百四十兩亦著照上次奏准分限完繳之例
准其分作四限扣還以紓丁力該部知道摺併發欽
此

一嘉慶十四年奉

上諭阮元奏請暫緩漕幫扣項一摺上年浙省幫船因
河道阻滯守候需時回空恐致河凍加添絳輓直至
臘底始全行歸次旗丁等不無多費現屆新漕開兌
若將扣項同時繳還自不免於拮据所有恩借本息
六限銀一萬五百六十餘兩行月米價六限銀六千

五百七十餘兩嘉慶九年造船公借三限銀九千八百十兩十二年造船公借銀九千八百十兩共銀三萬六千七百五十餘兩均著加恩緩扣一年其本年春間借領造船銀四萬二千一百二十兩並准分作四年於下運爲始按年扣還以紓丁力欽此

一嘉慶十四年奉

上諭金光悌奏漕船借用倉場庫項籌款墊解一摺上年江西漕船因北河水阻在於北倉截卸所需撥運各費曾經借用倉場庫項八萬一千兩零此時自應

如數扣還惟念該省旗丁疲乏日久且現在出運新漕又有買補搭解餘米等項較之常年所需更多若於各幫應得錢糧內坐扣則餘賸無幾未免倍形拮据著加恩准於司庫地丁內每船酌借銀一百七十餘兩共八萬一千兩零解還倉場墊款仍在各船名下分作五年扣還司庫以示體卹欽此

一嘉慶十五年奉

上諭景安奏湖南頭二三幫應解撥價等銀於該省藩庫內籌墊分年扣還歸款一摺湖南幫船丁力素疲

上年重運淺阻耽延回空凍阻未免耗費雖經節次
加恩調劑但此項撥價等銀爲數較多一時扣解不
無拮据自係實在情形所有嘉慶十四年通濟庫墊
發撥價油船飯米等銀一萬九千七百二十一兩一
錢零又借欠天津道庫撥價油船等銀八百一十五
兩八錢零著加恩准其在於藩庫內籌款墊解仍自
十五年新運爲始分作三年扣還歸款以紓丁力該
部知道摺併發欽此

一浙江省駁回米石經漕運總督許兆椿等奏

奉

諭旨准照江省折價歸還之例每石折銀一兩四錢分
作五年完繳嗣經浙江巡撫以現運各款錢糧
業經按款全數給發濟運無從折扣咨准將各
幫應還初限銀兩於冬運各丁應領行月錢糧
項下坐扣清款報部充餉

嘉慶十五年

一嘉慶十六年奉

上諭先福奏籌款墊解漕船借項一摺上年江西鉛山
等幫出運尾後在於北倉截卸所需轉運撥價經許

兆椿奏明借給通濟庫銀三萬六十七兩零於各丁應領新運錢糧內照扣解還茲據該撫查明各軍丁應扣舊欠尙多所領新運錢糧爲數較少力難一時全扣自係實在情形著加恩准照所請將鉛山實信吉安饒州袁州等五幫本年應領濟運錢糧坐扣三分之一計銀一萬六十七兩零其餘於司庫現存之永建等幫扣還前墊項內借轉銀二萬兩委解通濟庫先行還款仍分作二年將各丁應領錢糧按數扣還司庫俾丁力益臻寬裕該部知道欽此

一浙江幫船借支道縣二庫銀十七萬七千五百餘兩前經奏明於各幫應得餘米變價銀內分限三年抵補嗣因不敷扣抵經漕督奏准台後溫後處後三幫原限外加展四年杭頭幫原限外加展三年嚴所處前溫前湖白四幫原限外加展二年金衢杭二台前杭四嘉所五幫原限外加展一年

嘉慶二十二年

一浙江寧前等幫積欠節年借支銀米前經奏明分別展緩因河道淺阻守候賠累兼有遭風

事故扣項較多辦運支絀經漕督等奏准積欠
曬颺漂失等米五萬五千餘石積欠銀七千六
百兩自嘉慶二十四年冬運爲始分限十年帶
交嘉慶二
十四年

一安徽省寧國旌德太平三縣民折官辦漕糧
恩任各員墊欠銀兩據安徽巡撫奏請豁免經
部議覆欽奉

諭旨著照所議將該撫單開蘇景眉等十員任內應
賠銀五萬六千七百三十六兩俱免其著追其已

故結報家產淨盡之張秉機等四員應賠銀一萬三千三百八十八兩零米三百三十石零著照例准其豁免未經結報各員著再行查明報部覈結所有現任候補告病降革遣戍各員墊完之款著該撫督同藩司迅速分咨各旗任所戍所嚴行催追務令如限清完毋得再有懸宕至該撫此次開列各員應賠各數並未將從前墊用何款確切指明著該撫詳查將報部之款先行歸清造冊送部其未報之款卽行設法歸清不得以無款可歸爲

詞另請籌補嗣後各直省徵收錢糧著各督撫嚴飭各藩司將墊完民欠名目永遠革除以杜流弊

欽此

道光三年

一道光三年奉

上諭和桂等奏軍白糧經紀應扣交積欠銀兩請量予展限一摺此項應扣繳從前經紀長支銀兩該軍白兩項經紀等共分賠銀四萬七千四百三十四兩零分作十年坐扣歸欵按年已扣過八限尙有末二限未扣銀兩經和桂等查明本年豫東漕

糧截留賑米到通米數較少該經紀等少領腳價
若再加以扣繳前項辦公未免拮据俱係代賠之
項與本身應賠者有間自當量予展緩所有末二
限扣繳銀九千四百八十六兩零著准其再展六
年連正限二年共作八年扣完以紓役力該部知
道欽此

一浙江各幫造船公借銀兩例應年借年還因
上年重運沿途阻滯復值因灾蠲緩減歇丁情
苦累據浙撫援案奏准無論減歇出運各船概

自道光四年冬運爲始分限六年扣繳

道光四年

一浙江各幫應還州縣庫第一限欠款銀兩因

漕糧蠲緩出運船隻無多餘米變價不敷抵補

據漕督等奏准展緩一年

道光四年

一浙江杭頭幫應還五限並溫前等七幫應還

初限

恩借銀兩因漕糧蠲緩幫船減歇並無額領錢糧可扣

咨准援案遞緩一年扣還歸款

道光四年

一浙省軍船自嘉慶十六年起至道光五年止

通幫積欠司道各庫共銀三十九萬餘兩借欠
愈積愈多丁困愈累愈重經浙撫奏准分別停
息展扣查明嘉慶年間在藩司糧道二庫共提
銀十八萬兩借給各丁於下年運費內扣還按
出借六個月一分輪息每年應扣銀一萬八百
兩共收過息銀七萬四千七百餘兩援照乾隆
年間借銀十萬停息還本成案免其輪息予限
十二年在應領款內扣還至已收過息銀存貯
道庫遇辦運拮据之年酌量調劑又道光四年

借給造船未還五限銀三萬五千七百兩道光
五年動借運庫未還五限銀七萬兩俱酌展八
年扣還又道光四年寧前等幫守阻接濟未還
二限銀九千九百九十兩及本年江蘇墊發浙
省滯漕盤壩各費應於各丁船名下扣還銀三
萬二千九百餘兩俱分作四年扣還自本年新
漕爲始按限分扣還款其截留河北寧前寧後
紹後三幫並無應領出運錢糧所有應還各款

自下運爲始照限分扣

道光五年

一湖北各幫因運河淺阻守候日久費用浩繁
所有原限四年應扣還備帶接濟並盤場津貼
等銀又原限兩年應扣還回空借給銀兩據湖
北巡撫奏准均遞緩一年扣繳

道光六年

一廬州頭二三幫應繳五限借贖屯田銀兩因
丁情竭蹶經漕督奏准分作兩年完繳其六限

銀兩並遞展一年

道光六年

一浙省軍船上年在淮起撥本年復南北接運
丁力竭蹶經浙江巡撫奏准將應扣銀米分別

展緩所有各幫借欠本省司道各庫本運應扣
還銀共四萬二千五百餘兩暨留南變價餘米
二萬四千九百餘石除照案提銀給丁濟用外
餘銀五萬二千餘兩概行分給各幫其應扣縣
庫欠款均展緩一年扣還至歷年積欠米六萬
九千餘石自本年爲始准分六限借欠天津道
庫通庫共銀二萬一千五百餘兩自本年爲始
准分四限解交歸款

道光七年

一蘇省回空軍船每船借給銀三十兩前經奏

明分兩次扣還因道光五年起運糧米全由海
運各幫船在泊河北接運別省漕糧並無應支
漕贈等款可扣咨准暫行展緩自道光六年冬
運爲始查扣歸款

道光七年

一湖北各幫應扣借款銀兩爲數過多丁力拮
据據湖北巡撫奏准分別緩扣所有原限四年
扣還每船分借備帶接濟銀五十八兩零又盤
壩接運每船應扣津貼銀二十一兩零均遞緩
一年自道光七年冬起分作四年扣還其原限

兩年扣還回空阻守河北每船借銀十兩亦緩
至道光七年冬起分作兩年扣還又道光五年
盤壩報銷案內江南總局墊發過關用費修驗
二項每船應扣銀十三兩零亦展緩一年卽於
來年冬通全數扣解道光七年
一道光七年奉

上諭韓文綺奏運丁借款懇請分別起限扣還一摺
江西各幫漕船道光五年在通庫天津道庫借欠
銀兩奏准於司庫地丁項下借墊分作五年二年

扣解歸款本年應扣初限銀一萬七千三百餘兩
又在江南總局借領銀兩分作六年扣清本年應
扣二限銀三千七百五十二兩零上年又借天津
道庫廠費銀四萬二百九十一兩零通庫酌借銀
四千兩應於新運錢糧內坐扣本年共應扣銀六
萬五千四百一十兩零茲據該撫奏江西漕船疲
乏若儘數照扣未免辦運無資加恩著照所請上
年借領天津道庫銀兩准其分作三年扣清每年
扣銀一萬三千四百三十兩零同上年在通庫借

領銀四千兩江南總局應扣二限銀三千七百五十二兩零卽於本年新運錢糧內分別照數照限扣解其司庫墊款准其暫緩一年俟下年起扣以紓丁力欽此

一湖南荊州等衛屯田被水歉收錢糧蠲緩軍船應扣款項若同時並扣丁力竭歷經湖南巡撫奏准荊州荊左荊右沔陽四衛本年應扣還藩庫借造撥船銀三千四百餘兩並借墊天津撥價北倉撥價二限及補扣初限共銀三千九

百餘兩又應扣河庫道盤壩二限銀八百餘兩
均緩至道光八年扣解其三限等銀以次分別

展扣歸還

道光七年

一江西各幫道光七年借欠天津道庫撥價飯
米折價並欠交通庫失風米價等銀因扣款較
多辦運竭蹶經江西巡撫奏准展至道光八年
冬分作兩年扣還

道光八年

一道光九年奉

上諭劉彬士奏幫丁應行扣繳銀米請分別展緩一

捐浙江省各幫旗丁素稱疲乏現在應領新運錢糧除去積欠銀米各款辦運實有不敷據該撫查明懇請調劑著加恩准其將各幫借欠本省司道各庫本運應扣銀六萬三千五百九十餘兩暨餘米變價項下應扣還縣庫各款銀兩及歷年借欠本運應帶交第三限米一萬一千五百四十七石零均展緩一年以紓丁力欽此

一山東省向來因災緩徵漕糧俟錢糧全清後再行帶徵據東撫奏明漕糧一項兵糈攸關倘

最先年分之錢糧遞年積欠則同案停緩之漕
米永無啟徵之日嗣後將錢漕兩項分爲兩案
同時併徵不必俟錢糧全清後再行議帶漕糧
經戶部議准自道光二十八年爲始永遠查照

辦理

道光二十八年

一道光三十年欽奉

上諭慶祺朱礪奏大通橋車戶役力拮据請量加調劑
一摺另片奏口袋不敷輪轉請將遠倉應運米石暫
國太平倉等語大通橋車戶承買豆石本爲津貼車

價之需近年豆價平賤除應繳例價外盈餘已屬無多辦公更形竭蹶著准將本年應扣豆價銀一萬四千五百兩應扣二十八年逾額掣欠銀三千兩暫行緩扣自咸豐元年起分作八年統於該車戶應領腳價銀內勻扣還款以紓役力餘著照所擬辦理該部知道欽此

獎賞丁舵

一湖南湖北二省截留漕船因灣泊岳次濱臨
洞庭風波不測與各省不同乾隆元年題准於
支給一半月糧之外酌留頭舵二名水手二名
每名日給米一升其餘水手資助同籍每名每
站給盤費銀三分米一升照時價折給

一山東河南江南浙江船隻行走迅速較上年
抵通日期早至數十日不等乾隆五十四年欽
奉

上諭將該四省糧道及督運押運各員弁查明各部議敘其舵丁人等並著酌量加賞等因欽此總漕奏除議敘各官職名彙咨吏兵二部外將山東河南江南浙江四省抵通較早之幫每正丁一名給銀一兩舵工一名給銀五錢其失風拆板糧米灑帶之下舵概行扣除又例不同空之雇募買補及留通變賣各船扣除舵工祇賞正丁以歸覈實

一豫東二省漕船舵水人等於例給身工外重

運每船每名加給大錢六百文同空每船每名
加給大錢三百文惟該二省漕船有淺船自備
之分淺船係旗丁自行雇募常年在船管駕重
空到次自應如數加給自備船係旗丁與船戶
立契後船戶再行雇募舵水撐駕工價俱已倍
於往昔較淺船舵水與旗丁共沾苦樂者不同
飭令各幫弁遵照毋庸加給錢文

嘉慶
六年

一舊例旗丁駕運二十年並無掛欠事故給與
九品頂戴兵部酌照旗丁領運六年多交米石

給與頂戴之例加倍定以十二年爲率給與頂

戴

嘉慶十年

一漕船被火延燒斃命之副丁應得卹賞銀兩

查照原題照數給發

嘉慶十二年

欽定戶部漕運全書卷之三十五目錄

計屯起運

屯田坐落

屯田坐落

直隸省屯田共二百七十八頃六十四畝

直隸省屯田共二百七十八頃六十四畝

通州所屯田一百九十四頃二十三畝零坐落

順天府屬之通州三河武清香河平谷天津府

屬之滄州青縣等州縣境內

天津所屯田八十四頃四十畝零坐落天津府

屬之靜海青縣南皮滄州等州縣境內

山東省屯田共六千八十六頃九十一畝零

德州衛正左兩幫并任城幫管轄一百八屯計

田二千八百八十四頃二十二畝內德州衛

二十九頃零任城縣四坐落濟南府屬之德州
百五十五頃二十二畝

德平陵縣平原禹城武定府屬之樂陵東昌府

屬之恩縣清平堂邑高唐臨清州并州屬之武

城夏津及直隸河間府屬之吳橋故城景州廣

平府屬之清河等州縣境內

濟寧衛管轄八十三屯計田七百五十五頃七

十九畝又額外屯田八百十四頃八十畝零坐

落兗州府屬之滋陽寧陽鄒縣汶上曲阜壽張

曹州府屬之鉅野鄆城濟寧州并州屬之嘉祥等州縣境內

東昌衛及平山衛濮州所管轄八十六屯共田

六百四十八頃四十五畝

內東昌衛二百十二頃九十九畝零平山

衛二百八十四頃二十六畝零濮州所二百四十六頃十九畝零

坐落東昌府

屬之聊城堂邑博平曹州府屬之濮州范縣境

內

臨清衛及東平所管轄八十三屯計田九百八

十三頃六十五畝零

內東平所一百五十五頃臨清衛八百二十八頃六

十五畝零坐落曹州府屬之鉅野鄆城兗州府屬之

滋陽鄒縣東昌府屬之清平濟寧州并州屬之

嘉祥魚臺臨清州等州縣境內

江南省江安糧道所屬屯田共三萬九千七百三

十二頃三十八畝零

江淮興武二衛無屯田

安慶衛屯田九百四十九頃七十六畝零坐落

安慶府屬之懷寧桐城望江池州府屬之貴池

東流各縣境內

宣州衛屯田七百一十一頃四十六畝零坐落
寧國府屬之宣城寧國各縣境內

新安衛屯田九百一十七頃四畝零坐落徽州
府屬之婺源祁門黟縣寧國府屬之涇縣太平
旌德池州府屬之青陽石埭各縣境內

建陽衛屯田一千二百一十一頃七十七畝零
坐落太平府屬之當塗蕪湖繁昌池州府屬之
銅陵各縣境內

六安衛屯田一百八十七頃三十八畝八分四

毫零坐落六安州屬境內

該衛裁汰丁銀
歸併廬州衛

洪塘所糧田八十四頃八十六畝九釐九毫坐

落五河鳳陽臨淮三縣境內

該所裁汰歸併鳳
陽衛嗣分併宿州

頭揚州

二等幫

廬州衛屯田二千八十七頃七十一畝零坐落

廬州府屬之合肥巢縣境內

鳳陽衛歸併州縣糧田三千四百七十八頃五

十五畝零又懷遠衛軍田十五頃坐落鳳陽府

屬之鳳陽懷遠定遠虹縣靈璧鳳臺泗州及泗

州屬之盱眙五河潁州府屬之蒙城各州縣境內又贍運屯田八百七十頃五十二畝零坐落鳳陽府屬之鳳陽虹縣靈璧懷遠定遠壽州鳳臺宿州泗州屬之五河盱眙廬州府屬之合肥潁州府屬之霍邱六安州各州縣境內

壽州衛屯田三千四百六十七頃三十六畝坐

落壽州鳳臺霍邱三州縣境內

該衛裁併長淮衛今爲三四衛

長淮衛頭幫糧田二百八十四頃二十七畝零

坐落壽州鳳陽懷遠三州縣境內

宿州衛宿州頭幫贍運田二千九十八頃八十八畝四分三釐又屯糧田七百五十九頃八十三畝一分八釐零俱坐落宿州境內

武平衛糧田五千二百九十一頃五十七畝零

坐落宿州境內

該衛裁併長淮衛
今爲宿州二幫

徐州衛屯田三千七百八頃四十一畝零坐落

徐州府屬之銅山蕭縣豐縣碭山及河南省歸

德府屬之商邱夏邑永城各縣境內

邳州衛屯田九百三十七頃七十四畝三分零

坐落邳州境內

該衛裁併淮安衛今爲三四幫

淮安衛屯田七百一頃七十一畝一分零坐落

淮安府屬之山陽安東阜寧各縣境內又官田

三十頃三十畝零坐落山陽縣境內

係乾隆五十年承

買程國表

入官之田

大河衛屯田一千六百三十一頃九十五畝零

坐落淮安府屬之清河安東阜寧桃源各縣境

內

揚州衛屯田頭二三幫共二千九百二十六頃

三十六畝零坐落揚州府屬之江都甘泉儀徵

高郵寶應泰州興化通州淮安府屬之鹽城泗

州屬之天長各州縣境內

高郵寶應泰州鹽城興化各所俱歸併揚州

衛

儀徵衛屯田一千七百一十五頃七十七畝零

坐落揚州府屬之甘泉儀徵江寧府屬之六合

各縣境內

該衛歸併揚州
今爲儀徵衛

泗州衛屯田三千六百七十畝零坐落泗

州并州屬之天長盱眙揚州府屬之高郵寶應

滁州屬之來安各州縣境內

滁州衛屯田一百九十六頃九十六畝零坐落
滁州并州屬之全椒來安各州縣境內

江南省蘇松糧道所屬屯田共二千八百三十九
頃七十三畝零

蘇州衛屯田三百三十三頃二十五畝零坐落
蘇州府屬之長洲元和吳縣震澤常熟昭文新
陽常州府屬之金匱各縣境內

太倉衛屯田二百四十三頃二畝零坐落蘇州

府屬之崑山新陽常熟昭文太倉州屬之鎮洋

嘉定寶山各州縣境內

鎮海衛屯田一百八十六頃一十畝零坐落蘇

州府屬之崑山新陽太倉州并州屬之鎮洋嘉

定寶山各州縣境內

金山衛屯田三百五十九頃四十四畝零坐落

松江府屬之上海南匯奉賢各縣境內

該衛屬併鎮浦

衛今爲金山幫

鎮江衛屯田一千七百一十五頃四十七畝零

坐落鎮江府屬之丹陽揚州府屬之泰州江都
甘泉通州屬之泰興各州縣境內

浙江省屯田共一千六百三十頃四十九畝零

杭州衛屯田四百七十頃五十畝零內派給杭
州衛幫三百六十八頃八十六畝零派給寧波
衛幫五十頃八十三畝零派給紹興衛幫五十
頃八十一畝零

嚴州衛屯田一百五十一頃四十八畝內派給
嚴州所幫八十八頃二十五畝零派給寧波衛

幫三十一頃六十一畝派給紹興衛幫三十一
頃六十二畝零均坐落杭州府屬之仁和錢塘
富陽餘杭臨安於潛新城嚴州府屬之桐廬各
縣境內

嘉湖衛屯田三百二十九頃六畝零內派給嘉
興衛幫丁田七十一頃二十八畝零湖州所幫
丁田五十六頃五十七畝零紹興衛幫丁田四
十頃三十七畝零處州衛幫丁田八十三頃七
十一畝零海寧所幫丁田六十二頃二十三畝

零寧波衛幫丁田二十四頃八十八畝零坐落
嘉興府屬之嘉興秀水嘉善海鹽平湖湖州府
屬之烏程歸安長興安吉等縣境內

台州衛屯田二百十三頃七畝零內派給台州
衛幫丁田一百八十三頃三十畝零紹興衛幫
丁田十四頃八十八畝零處州衛幫丁田十四
頃八十八畝零坐落台州府屬之臨海黃巖天
台太平各縣境內

温州衛屯田三百十二頃三十四畝零內派給

温州衛幫丁田一百六十二頃九十三畝零寧
波衛幫丁田四十九頃八十畝零處州衛幫丁
田四十九頃八十畝零紹興衛幫丁田四十九
頃八十畝坐落温州府屬永嘉縣境內

寧波衛屯田十二頃二畝零坐落寧波府屬奉
化縣境內

衢州所屯田一百三十一頃九十七畝零內派
給衢州所幫丁田四十頃七十三畝零金華所
幫丁田三十八頃四十七畝零紹興衛幫丁田

二十六頃三十五畝零處州衛幫丁田六頃六十一畝零寧波衛幫丁田十九頃八十一畝零坐落衢州府屬西安縣境內

江西省屯田地基塘山堰共六千四十三頃五十三畝零

南昌衛屯田地基塘山堰一千三百五十六頃七十三畝零坐落九江府屬之德化彭澤德安瑞昌南康府屬之星子及江南省池州府屬之東流建德各縣境內

袁州衛屯田地塘二百四頃四十六畝零坐落
袁州府屬之宜春萬載分宜萍鄉各縣境內

贛州衛屯田一千四頃七十畝零坐落贛州府
屬之贛縣雩都興國寧都州屬之瑞金南安府
屬之崇義各縣境內又信豐所併入屯田二百
十七頃四十畝零坐落贛州府屬之信豐及福
建省之汀州府屬各縣境內又會昌所併入屯
田二百三十五頃九十九畝零坐落贛州府屬
之會昌及福建省汀州府屬之武平等縣寄莊

內南安所

丁不出運徵租撥給撫州所濟運

屯田七十二頃三

十七畝零坐落南安府屬之大庾縣境內

九江衛屯田地一千五百六頃四十三畝零坐

落九江府屬之瑞昌德化德安湖口彭澤南康

府屬之星子各縣境內

吉安所屯田一百一十八頃六十六畝零坐落

吉安府屬之廬陵龍泉各縣境內

安福所屯田一百三頃一十一畝零坐落吉安

府屬之蓮花廳安福縣各境內

撫州所屯田地基塘山四百一十五頃一十二畝零坐落饒州府屬之餘干安仁及江南省池州府屬之建德各縣境內

永新所屯田一百二十頃一十七畝零坐落吉

安府屬之蓮花廳永新縣各境內

建昌所屯田地八十四頃七十一畝零坐落建

昌府屬之廣昌縣境內

乾隆三十年永新
建昌併爲一縣

廣信所屯田地一百五頃零坐落廣信府屬之

上饒玉山廣豐興安各縣境內

鉛山所屯田一百九十二頃九十八畝零坐落
廣信府屬之鉛山弋陽貴溪興安各縣境內

饒州所屯田地三百五頃七十畝零坐落饒州
府屬之鄱陽及江南省池州府屬之建德各縣
境內

湖北省屯田共五千五百四十六頃五十八畝零
糧共三萬五千六百九十三石零

武昌衛屯糧一萬四千五百五十二石零坐落
武昌府屬之江夏武昌咸寧嘉魚蒲圻崇陽興

國大治通山漢陽府屬之漢陽漢川黃陂沔陽
安陸府屬之鍾祥京山德安府屬之安陸雲夢
應山應城隨州襄陽府屬之襄陽宜城棗陽各
州縣境內

武昌左衛屯糧一萬二千七百一十六石零坐
落武昌府屬之江夏咸寧嘉魚蒲圻崇陽通城
通山大冶興國漢陽府屬之漢陽漢川黃陂孝
感沔陽安陸府屬之京山天門德安府屬之安
陸隨州應山應城及湖南省岳州府屬之巴陵

臨湘各州縣境內

蘄州衛屯田九百二頃六十六畝零坐落武昌
府屬之武昌大冶興國黃州府屬之蘄州蘄水
羅田黃梅廣濟及江南省安慶府屬之宿松江
西省九江府屬之德化瑞昌各州縣境內

黃州衛屯糧八千四百二十五石零坐落黃州
府屬之蘄州蘄水黃岡麻城黃安武昌府屬之
江夏武昌咸寧嘉魚蒲圻通城興國大冶漢陽
府屬之漢陽黃陂孝感及湖南省岳州府屬之

臨湘江南省六安州并州屬之霍山河南省光
州屬之光山固始蕪城各州縣境內

襄陽衛屯田二千一百六十六頃七十六畝坐
落襄陽府屬之襄陽棗陽宜城穀城南漳均州
鄖陽府屬之鄖縣房縣鄖西竹山荊州府屬之
江陵枝江荊門州屬之當陽各州縣境內

德安所屯田二千四百七十六頃一十六畝零
坐落德安府屬之隨州安陸雲夢應城應山漢
陽府屬之孝感各州縣境內

湖南省屯田共八千六十五頃四十二畝零

荊州衛屯田一千九百三十三頃五十六畝零
坐落荊州府屬之江陵公安石首監利松滋枝
江宜都安陸府屬之鍾祥潛江荊門州并州屬
之當陽遠安宜昌府屬之東湖歸州巴東各州
縣境內

荊左衛屯田二千二百五十四頃二十一畝坐
落荊州府屬之江陵松滋枝江宜都安陸府屬
之潛江荊門州并州屬之當陽各州縣境內

荆右衛屯田二千二百三十四頃坐落荊州府
屬之江陵公安松滋枝江安陸府屬之鍾祥京
山潛江荊門州并州屬之當陽各州縣境內

沔陽衛屯田一千一百七十九頃九十四畝坐
落安陸府屬之潛江天門漢陽府屬之沔陽文
泉州境內

岳州衛屯田四百六十三頃七十一畝坐落岳
州府屬之巴陵平江臨湘湘陰華容各縣境內
計以上八省共屯田六萬八千三百六十一

頃七十五畝零屯糧三萬五千六百九十三石零

一各省屯田津租有歸衛所徵收者有歸州縣徵收者現在江浙衛官既已議裁此項屯租應統改歸屯坐之各州縣管理仍照徵收正項錢糧之例年清年款題報核銷其各衛旗丁亦卽改隸州縣仍存屯籍之名以便他日河運責其供役至此項屯租銀兩向係給丁濟運目下河運暫停應令各該糧道另款存儲報撥

同治二年